

業苦不生名滅復次是真實用經無所有離
有離無是般涅槃名爲滅諦如瞿曇傳說復
次滅有二種一非擇滅二擇滅非擇滅者有
爲諸法自性破壞名非擇滅如空名隨擇滅
者由智火故惑薪燒是名擇滅如因火薪盡
復次滅有三種一未有滅二伏離滅三永離

滅若惑未生未得緣地名未有滅若惑已生
已得緣地由世出世道現時不起名伏離滅
若惑已伏離滅因滅無餘故未來決不生是
名永離滅如經言未生欲欲未來永不復生
亦知此滅又分別部說滅有三種一念念滅
二相違滅三無餘滅譬如燈滅又餘師說滅

滑六

有四種一自性滅二無生滅三中間滅四永
離滅不由因滅名自性滅如偈言

諸行悉無常 生滅是其法 若有生還滅

此寂滅是樂

又經言若法有生是法必滅不由功用如物
輕重自然浮沉名自性滅由因無故果不得

生名無生滅如經言由無明滅故三行不起
如七流中種芽田壞果則不生名無生滅由
定力者名中間滅如經言伏離上心惑名有
時心解脫九種次第滅如難提柯比丘緣事
爲證名中間滅由八聖道滅名永離滅如經
言若人修無常想能滅一切結及隨眠惑以

明生故無明永滅名永離滅猶如覆器及被
然炬此論正辯永離滅何相何事何緣者無
所有爲滅相心不燒熱爲事通達實際爲緣
大德說寂靜爲相心安止爲事極解脫知見
爲緣汝問滅名何義者答此滅名尼盧陀尼
者訓無盧陀訓遮障渴愛等法能障此中永
無故名尼盧陀相違法生起故渴愛流永不
更生如熟燒坏赤色生故本青色相永不更
生汝問無餘滅離滅捨斷棄此七義何異者
答此皆是涅槃別名此七名依器故說如涅
槃有六十別名復次止心及隨眠俱盡如樹
拔根名無餘滅次第滅盡如斧柯喻故名爲

滑六

三

滅昔縛著處由道力故無有縛著如富貴人不著貧賤是名為離勝異昔退如聖人離惡盡故名為滅又如前義名尼盧陀是名為滅若法與惑相離譬如捨物是名為捨現世是與未來永不相續譬如內根是名為斷滅不更取如覆水器是名為棄復次一切渴愛品類淨盡故名無餘漸壞名滅由觀過去不起著心名為遠離行斷結盡緣起亦無故名為滅解脫煩惱是名為捨緣智初惑永滅是名為斷先取我執今則置捨故名為棄汝問云何盡無餘名為滅諦不說念念滅等者答由無餘滅故未來苦不更生不由念念滅等故說無餘名為苦滅不說念念滅等若觀無餘滅寂靜等相能滅諸惑念念滅等則不如是復次隨屬道故勝餘法故真實善故不共得故煩惱不能壞故不違言故安心緣故故說無餘名為苦滅不說念念滅等汝問若渴愛滅名為滅諦無餘涅槃則非滅諦者答餘論

師說清淨梵行果故故煩惱滅名為滅諦一切假名滅名無餘涅槃此論所說無餘涅槃界是真滅諦何以故為得此滅修淨梵行如富樓那七車譬經中說諸阿羅漢惑盡無餘而老病死寒熱飢渴害縛等苦猶尚未免是故無餘涅槃界是真滅諦此真滅諦由因盡故得故說渴愛滅是真滅諦優波及多道理足論說能令至無餘涅槃界故故貪愛盡得名滅諦雖然有餘無餘二涅槃界皆名滅諦何以故因滅名為有餘果滅名為無餘由因滅故故有因滅如燈盡故光盡是故二滅皆名滅諦汝問渴愛盡者應名集滅云何說苦滅者答苦火以渴愛為薪若無渴愛苦薪苦火即滅如薪盡火滅復次苦諦以愛食得住由愛食斷故苦諦即盡故說苦滅復次者舊師說不為離過去及現在苦於世尊所修淨梵行何以故過去自性已滅與現在決應相離未來有苦為令不生於世尊所修淨梵行

滑六

四

是苦不生由渴愛盡故約後際苦盡說愛斷
苦滅汝問若由渴愛盡故苦滅者無渴愛人
則應無苦現見有苦此理云何者答憂悔熱
苦寂靜故如手長者經說復次永離心病故
如已拔心刺復次求欲苦斷故如富足六塵
由渴愛滅故諸阿羅漢永離心苦故不違理

復次非過去未來現在苦名為苦諦亦非聖
道所破何以故過去已盡未來未有與現世
決定應相離故但由通達實際故渴愛滅盡
由離渴愛故為後際苦不生修八聖道以是
義故說阿羅漢無苦如渴病譬汝問十結惑
中但說渴愛滅為滅諦安立四果云何得成
者答貪愛有四種須陀洹果道等所破由此
滅故餘結共起一時俱盡說名滅諦是故安
立四果於理不失復次同一相一味故若說
渴愛盡則說一切結盡如說八聖道即說一
切道品以同相故共成一事故復次有諸餘
惑亦能立集諦相而渴愛正能續未來生能

今後有以是義故獨說渴愛名為集諦如是
一切惑盡皆入滅諦相但有因滅盡是渴愛
滅名為滅諦汝問十二緣生中說滅有十二
種云何但說渴愛盡為滅者答如前問此難
自遣復次如道斷愛盡欲滅涅槃此五名義
一但更互相續是故由說渴愛盡故即說十

渭六

五

二道斷復次渴愛盡為通滅十二道等滅名
為別滅問涅槃別名有六十六句其義云何
答無為等一切句相貌讚嘆因立對治違反
等應廣解釋何因如此是涅槃無生無長無
滅非因緣所作違反有為故說無為其一高出
三界離於偏低無與等者故說無下其二永離
諸流諸流不生非流跡處故說無流其三非虛
妄非顛倒非相違故說真諦其四不疑諸界毒
虵怖畏窮三有際捨功用處度生死海故說
彼岸其五極智所了故說聽細其六如優曇花世
間希遇故說難見其七不老不破故說無壞其八
無動本有故說恒在無爭其九對治除法體不

虧故說無失^十其過眼境界無法與等故說無
 譬^{十一}其無有貪愛諸見慢執故無戲論^{十二}其惑火
 滅盡故說寂靜^{十三}過死王界故說甘露^{十四}是
 極美味寂靜可愛故說極妙^{十五}寂靜無苦故
 說為止^{十六}真實善法故說為安^{十七}無燒熱渴
 故說愛盡^{十八}生他嘆訝故說希有^{十九}於生死
 中未至此德說未曾得^{二十}老等諸橫所不能
 害故說無枉^{二十一}內無所少外無惡障故說無
 災^{二十二}無後有生苦究竟安樂故說涅槃^{二十三}異
 有無相故說難思^{二十四}與離生過失樂相應故
 說不生^{二十五}四魔不至故說不生^{二十六}四魔不至
 故說無跡^{二十七}不由因成故說非作^{二十八}非悲行
 處故說無憂^{二十九}一得不退故說名住^{三十}無法
 能似故說無等^{三十一}永離取欲故說無求^{三十二}無
 前後際故說無邊^{三十三}難可通達故說微細^{三十四}
 無有可逼故說無損^{三十五}無惑染著故說離欲
 六^{三十六}無諸過失故說名淨^{三十七}結縛皆斷故說解
 脫^{三十八}離依止故說非住^{三十九}無有二法故說

非對^{四十}無等等故說為等^{四十一}諸入沒處故
 說無害^{四十二}外人不得故說甚深^{四十三}離佛正教
 不可了知故說難解^{四十四}觀此功德令到彼岸
 故說能度^{四十五}上法之定上故說無上^{四十六}攢搜
 法海所獲真實上人所得故說為勝^{四十七}萬行
 所得最無上價故說聖果^{四十八}離恐怖因故說
 無畏^{四十九}聖愛堅固故說不捨^{五十}凡聖等有故
 說遍滿^{五十一}功德難稱故說無量^{五十二}不屬六道
 故說無數^{五十三}體極貞固故說不破^{五十四}諸法無
 首故說為尊^{五十五}最淨可稱故說應讚^{五十六}眾聖
 所栖故說為舍^{五十七}能救眾苦故說歸依^{五十八}戰
 鬪寂靜故說無諍^{五十九}本有非作故說無假^{六十}
 離欲瞋癡故說無垢^{六十一}除無明闇故說為燈
 六^{六十二}諸受寂靜故說為樂^{六十三}免色等墜故說無
 墮^{六十四}四流不沒故說為洲^{六十五}散心不證故說
 不動^{六十六}遣蕩十相說無所有^{六十七}無所依故說
 名無著經部問曰何法名思擇滅答結離名
 思擇滅問結離何法答是思擇滅若尔此二

互相釋終不能顯二法體相是故應別方便說其體相聖人無分別證智所知是其體相如是可說為善異於餘物或說名結離或說思擇滅諸經師說一切無為非是物有何以故不如色受有於別物何者唯以無觸名為虛空如經言闇中無礙無覆名為虛空由般

若力與現在隨眠或體性相違餘後不生名思擇滅離此思擇因緣不具餘不得生是名非思擇滅譬如一期中間橫死殘果不續異部師說隨眠煩惱後不得生是思擇力故名思擇滅由緣不具後苦不生是中思擇無力故說非思擇滅論曰是義不然若離思擇此

滅不成故知屬思擇滅又諸部說若法已生滑六生後自滅自性滅故名非思擇滅若如此執非思擇滅應是無常何以故法未壞時未有滅故難曰若尔思擇滅亦應無常何以故思擇在先後得滅故答此滅不以思擇為先何以故未生法不生在思擇後無此義故所以

者何未思擇時未生不生法本來已有是法應生思擇正起後不得生由思擇力此惑昔來未有生障今斷其生思擇力外曰若定以不生為涅槃者云何通釋國譬經云修數習多行信等五根能滅過去現在未來苦滅者名涅槃不生唯屬未來非現在過去答有

如此經義不如文何以故能緣三世苦惑滅故說苦滅如餘經說汝等應捨是色愛欲由愛欲滅汝等色陰則滅離乃至識陰亦尔以此義故滅三世苦其義應尔外曰若說苦滅其義可然又國譬經云修習五根能滅過去現在未來世惑云何不違此經答如前解釋又有別解過去惑者宿世所攝現世惑者今生所攝此二世惑於相續中已成種子能生未來惑芽由此種子滅故故說三世惑滅如果報盡說業因盡是未來苦及惑由種子無故永不更生是故經中說三世惑滅若不如此過去現在有何所滅何以故於已滅法及

向滅法功用何施外曰上勝經說一切有為無為法中是離欲法因是不有云何不有勝餘不有答我不說無為定是不有如我前說如是故有如世人言聲有先無聲有後無不由此有言使無物成有當知無為其義亦介雖同是無而有無可讚勝於餘無如一切災橫畢竟不生此無為勝最可讚嘆為受化者起願求心故佛讚嘆外曰若無為唯是無法是滅則成聖諦何以故無所有故答若介諦是何義外曰無顛倒是諦義答是二法聖人觀皆無顛倒苦如相苦相無如無相以是義故何乖聖諦外曰云何無物為第二諦答立

渭六

八

為聖諦已如前說依第三後次說故為第三外曰若無為唯是無法智勝虛空及與涅槃則無境界答我不說一切智以有法為境若緣有為非去來世則有物為境若緣餘法則無法為境外曰若汝許無為有物何所有答若我許無為有物何所有外曰若汝許者我義被守答諸天應守若許可守汝許不實何以故是無為法不如色受其性可證不如眼等其事可見是物是滅云何可別是無為與有為事不相關何以故互非因果故但違反渴愛是其道理如說是惑本無名因無為外曰若立無為是有由此惑至得斷故可說此滅是此惑滅若說無為是無法者此無為何因能滅至得經言是比丘已至得現法涅槃若涅槃是無何可至得答由對治起得相續與惑後生畢竟相違故說至得現法涅槃又諸阿含說唯以無法是名涅槃經言是苦滅無餘捨窮盡及離欲苦不來續不生是靜是妙何者捨一切取并渴愛盡及般涅槃外曰何故不許於中餘物不生說此不生名為涅槃答我見此執無有勝能汝謂於中餘物不生者為是有故餘物不生為由得故餘物不生若是有故餘物不生涅槃恒有三有應永不生若由得故餘物不生諸阿羅漢得證此

九末

時陰即應滅若如汝執有此過失故知但無
所有名為涅槃如偈說譬是正道理偈言譬
如燈光滅心解脫亦尔如燈光滅非是有物
佛心解脫亦復如是分別滅諦品竟

四諦論卷第三

渭六

燒音達攢搜上昨官反
下宿侯反

四諦論卷第四

渭七

婆數嚴摩所造 陳三藏真諦譯

分別道諦品第六

經說道諦云何此言何所因起若道能滅渴
愛則不應說行至苦盡若不尔者是言相違
若俱滅集苦云何經中不具足說若道能盡

王

苦修道辨人應無品苦若不尔者則不應言
行至苦盡若有為法於無為中無有行至云
何說言行至苦盡正行義言正行者入聖道
是決言何用聖名何義云何但說道名為聖
不說餘助道若道異分應說其相若言道唯
是分則具分與分無有差別道名何義云何
此經說於具分餘經不具若道是有為云何
佛說本昔已有若是無為云何說言有為若
道是一一人修時餘人應得譬如衣等若不
尔者則不應說由此一道若諸聖人同得一
道云何智慧不同若智慧不同云何解脫平
等若道非心無情等物亦應有道若心非心
法修則不具若是心法諸相違法云何一心
並有若道至除惑則相違法一心並有若不
至者於他相續云何不除若分俱起則有多
作意若次第起則但有一分云何止立八分
不增不減云何不取欲等餘法云何一法作
三種說中道能滅福惡行至盡苦云何說正